



উত্তরবঙ্গের আত্মার আত্মীয়

MLD

উত্তরবঙ্গ সংবাদ



সেনসেজ : ৮২,০৫৫.১১
(+১৫৮.৩২)

নিফটি : ২৫,০৪৪.৩৫
(+৭২.৪৫)

বিদেশিনীকে ধর্ষণ

রাজস্থানের উদয়পুরে এক ফরাসি মহিলা পর্যটককে ধর্ষণের অভিযোগ। এক ক্যাকো পার্টিতে পরিচয়ের পর অভিযুক্ত তাঁকে ‘শহর ঘুরিয়ে দেখানোর’ নাম করে একটি ফ্ল্যাটে নিয়ে গিয়ে ধর্ষণ করে।

আজ মহাকাশে পাড়ি শুভাংশুর

সাতবার উড়ানোর তারিখ পিছিয়ে যাওয়ার পর অবশেষে নাসা ঘোষণা করেছে, ভারতীয় গুপ্ত ক্যাস্টেন শুভাংশু শুক্লা আগামীকাল (বুধবার) মহাকাশে পাড়ি দিতে পারেন তাঁর তিন সঙ্গী নভচন্দ্রকে নিয়ে।

আজকের সন্ধ্যা তাপমাত্রা					
৩৪°	২৭°	৩৪°	২৭°	৩৩°	২৭°
সন্ধ্যা	সন্ধ্যা	সন্ধ্যা	সন্ধ্যা	সন্ধ্যা	সন্ধ্যা
মালদা	রায়গঞ্জ	বালুরঘাট	শিলিগুড়ি		

স্বপ্নভঙ্গের

আশঙ্কা
ভারতের

১২

১০ আশাট ১৪৩২ বুধবার ৫.০০ টাকা 25 June 2025 Wednesday 12 Pages Rs. 5.00 ইন্টারনেট সংস্করণ www.uttarbangasambad.in Vol No. 46 Issue No. 38

নকল ধরায় অধ্যক্ষকে অপদস্থ তৃণমূল ছাত্র নেতার

সৌরভকুমার মিশ্র

হরিশ্চন্দ্রপুর, ২৪ জুন : ফের কলেজ অধ্যক্ষের কাফালিতে শাসকদলের নেতার ‘দাদাগিরি’ এবং দেখে নেওয়ার হুমকি। সোমবার এমনই ঘটনা ঘটেছে হরিশ্চন্দ্রপুর কলেজে। ঘটনার প্রেক্ষিতে তদন্তের নির্দেশ দিয়েছেন মালদার জেলা শাসক। ঘটনার সূত্রপাত অবশ্য শুক্রবার। ওইদিন কলেজে প্রথম সিমেন্টার পরীক্ষা চালাকালীন চটল কলেজের এক ছাত্র বেঞ্চের লেখা দেখে খাতায় লিখছিল। এমন নকল দেখতে পেয়েই ওই কলেজের দায়িত্বপ্রাপ্ত শিক্ষক ওই ছাত্রের খাতা ১০ মিনিট আটকে রাখেন। আর এই ঘটনায় সোমবার বিকেলে



হরিশ্চন্দ্রপুর কলেজের অধ্যক্ষ ডঃ সুমিত নন্দীর অফিসে সদলবলে হানা দিয়ে তাঁর সঙ্গে দুর্ব্যবহার করার অভিযোগ ওঠে হরিশ্চন্দ্রপুরের শাসকদলের ছাত্র পরিষদের ব্লক ১-এর সভাপতি বিমান বা’র বিরুদ্ধে। পাশাপাশি, অধ্যক্ষকে দেখে নেওয়ার হুমকি দেয় ওই ছাত্র নেতা। ঘটনার প্রেক্ষিতে ওই ছাত্র নেতা এবং তার সঙ্গীদের বিরুদ্ধে কলেজ কর্তৃপক্ষ পুলিশ অভিযোগ দায়ের না করলেও, ঘটনটি প্রকাশ্যে আসায় নিদায় মুখর হয়েছে হরিশ্চন্দ্রপুরের শিক্ষিত সমাজ। এরপর দশের পাতায়



ইরানি মিসাইলে বহুতল যেন ধ্বংসস্থল। দেহের খোঁজে নেমেছে ইজরায়েলি সেনা। বীরশ্রেণী মঙ্গলবার।

কৃতিত্বে চোনা, থেপে লাল ট্রাম্প

ওয়াশিংটন ও তেহরান, ২৪ জুন : যুদ্ধবিরতি কিন্তু যুদ্ধবিরতি নয়। এ যেন সুকুমার রায়ের কবিতার ‘হাসিভাঙ্গা’। প্রবল প্রাক্রম ডোনাল্ড ট্রাম্পের যুদ্ধবিরতি ঘোষণা সোশ্যাল মিডিয়ার পোস্টে থেকে গেল। না মানল ইজরায়েল, না মানল ইরান। মঙ্গলবার ভোররাতে মার্কিন প্রেসিডেন্ট ঘটা করে ইজরায়েল-ইরানের সংঘর্ষ বিরতি ঘোষণা করে দিয়েছিলেন। যেমন করেছিলেন ভারত-পাকিস্তানের ক্ষেত্রে। কিন্তু কে শোনে কার কথা।

ঘোষণা করে ট্রাম্প ঘুমোতে গিয়েছিলেন। তিনি ঘুমিয়ে থাকার সময়ই দক্ষিণ ইজরায়েলে আছড়ে পড়ল ইরানের ক্ষেপণাস্ত্র। পালটা

বিরতির শর্ত ভেঙেছে। ইজরায়েলের পদক্ষেপ আমার ভালো লাগেনি। ইরানের ভূমিকাতোে খুশি নই।’ যদিও ভাঙলেও মচকান না



ইজরায়েল, বোমাগুলি ফেলে দিও না। যদি করে (যুদ্ধ), তাহলে এটা বড় ধরনের উল্লেখ্য হবে। এখনই তোমার পাইলটদের ফিরিয়ে নিয়ে এসো।’

ডোনাল্ড ট্রাম্প

তিনি। তাঁর নাম ট্রাম্প। হোয়াইট হাউসে সাংবাদিকদের তিনি বলেন, ‘আমি নিশ্চিত নই যে ওরা ইচ্ছাকৃতভাবে এটা করেছে। দেখছি, এসব বন্ধ করতে পারি কি না। তবে সংঘর্ষ বিরতি কার্যকর রয়েছে।’

পরে টুথ সোশ্যালে বেঞ্জামিন নেতানিয়াহুর উদ্দেশ্যে তিনি বার্তা দেন, ‘ইজরায়েল, বোমাগুলি ফেলে দিও না। যদি করে (যুদ্ধ), তাহলে এটা বড় ধরনের উল্লেখ্য হবে। এখনই তোমার পাইলটদের ফিরিয়ে নিয়ে এসো।’

কিছুক্ষণ বাদে আরও একটি পোস্টে মার্কিন প্রেসিডেন্ট লেখেন, ‘ইরানে হামলা চালাবে না ইজরায়েল। সব বিমান বাড়ি ফিরে যাবে।’ ট্রাম্পের যুদ্ধবিরতির প্রস্তাবে অবশ্য প্রথমে সাই দিয়েছিল তেল আভিভ। ইজরায়েল বিতর্কিত দিয়ে জানায়, ‘ডোনাল্ড ট্রাম্পের প্রস্তাব মেনে ইজরায়েল যুদ্ধবিরতিতে রাজি হচ্ছে।’ প্রাথমিকভাবে ইরান অবশ্য যুদ্ধবিরতি নিয়ে কোনও মন্তব্য করেনি।

তবে পরে তেহরান জানিয়ে দেয়, ‘ইজরায়েল আর হামলা না চালালে ইরান আর আক্রমণ করবে না। বিবৃতিতে তেহরান বলে, ‘ইহুদি ভাবনার শত্রু ও তার সমর্থকদের বিরুদ্ধে যুদ্ধ বন্ধ করার সিদ্ধান্ত নেওয়া হয়েছে।’ নেতানিয়াহু নাকি মার্কিন প্রেসিডেন্টকে সাফাই দেন, এরপর দশের পাতায়

বিধানসভায় প্রতিবাদ মুখ্যমন্ত্রীর

রাজস্থানে বাঙালি হেনস্তা

দীপ্তিমান মুখোপাধ্যায় ও
রণবীর দেব অধিকারী

কলকাতা ও ইটাহার, ২৪ জুন : মহারাষ্ট্রের পর রাজস্থানে বাঙালিদের হেনস্তা। শ্রমিকের কাজ করতে গিয়ে হয়রানির শিকার একদল বাঙালি। মহারাষ্ট্রের বিভিন্ন প্রান্ত থেকে পশ্চিমবঙ্গের কিছু বাসিন্দাকে পাকড়াও করে বিএসএফের হাতে তুলে দেওয়া হয়েছিল। বিএসএফ তাঁদের বাংলাদেশের সীমানায় ঢুকিয়ে দিয়েছিল জোর করে। মঙ্গলবার রাজস্থানেও কয়েক ঘণ্টা বিতীক্ষিত হয়ে থাকল প্রায় ২৫০ জন বাঙালির জীবনে।

ওই বাঙালিরা কেউ বাংলাদেশি নন। পশ্চিমবঙ্গের উত্তর দিনাজপুর জেলার ইটাহার রকের বাসিন্দা। বাংলাদেশি সন্দেহে কর্মস্থল থেকে তুলে নিয়ে গিয়ে একটি হলঘরে কয়েক ঘণ্টা আটকে রেখে তাঁদের জিজ্ঞাসাবাদ করে রাজস্থান পুলিশ। ইটাহারের বিধায়ক মোশারফ হোসেনের কাছে ওই খবর পেয়ে মঙ্গলবার রুদ্র হন মুখ্যমন্ত্রী মমতা বন্দ্যোপাধ্যায়।

তিনি তখন বিধানসভায়। পরে তিনি নিজের বিধানসভায় বিষয়টি তোলেন। ভাষণের সময় তিনি বলেন, ‘বাঙালিরা এদের শত্রু। তাই বাংলা ভাষায় কথা বললেই তাঁদের বাংলাদেশি বলে দেওয়া হচ্ছে। বাংলা ভাষায় কথা বলা কি অপরাধ?’ অধিবেশনের শেষে সাংবাদিকদের মমতা বলেন, ‘তাহলে বাংলা ভাষা নিষিদ্ধ করে দেওয়া হোক।’



রাজস্থানে আটক ইটাহারের শ্রমিকরা।

আতঙ্কের একদিন

■ হেনস্তা করা হয়েছে উত্তর দিনাজপুরের ইটাহারের প্রায় ২৫০ শ্রমিককে।

■ তাঁরা রাজস্থানের আলওয়ারা বাইপাস জেলার ফুলবাগে কর্মরত

■ কর্মস্থল থেকে তুলে নিয়ে গিয়ে রাজস্থান পুলিশ তাঁদের আটকে রাখে দীর্ঘক্ষণ

■ জিজ্ঞাসাবাদ করা হয়, পরিচয়পত্র দেখা হয়

■ দুই রাজ্যের মুখ্যসচিব পরস্পর কথার পর রেহাই পান বাংলার বাসিন্দারা

দেওয়া হোক, বাংলা ভাষায় কথা বলা অপরাধ। রাজস্থানে যাঁরা আটক হয়ে রয়েছেন, তাঁরা কেউ বাংলাদেশি নন।

এরপর দশের পাতায়

বিতর্কে ট্যাংকার

এক ফোনেই বাড়িতে মিলছে ডিজেল

পঙ্কজ মহান্ত

বালুরঘাট, ২৪ জুন : ফোন করলে বাড়ি বসেই মিলছে লিটার লিটার ডিজেল। দক্ষিণ দিনাজপুর জেলাজুড়ে এমন অবৈধ কারবার শুরু হয়েছে বলে অভিযোগ পেট্রোল পাম্প মালিকদের। বেআইনিভাবে তেলের ট্যাংকার বানিয়ে তাতেই ডিজেল বিক্রি করা হচ্ছে প্রকাশ্যে। এমনই অভিযোগ নিয়ে মঙ্গলবার জেলা পুলিশ সুপার ও জেলা শাসকের দ্বারস্থ হয়েছে নর্থবেঙ্গল পেট্রোল ডিভার্স অ্যাসোসিয়েশন।

যে কোনও সময় বড় বিপদের আশঙ্কা থাকছে বলে দাবি তাদের। পাশাপাশি, প্রত্যেক থানায় এই নিয়ে লিখিত অভিযোগও দায়ের হয়েছে। যদিও সম্পূর্ণ নিয়ম মেনেই ডিজেলের হোম ডেলিভারি করা হচ্ছে বলে দাবি করেছে অভিযুক্ত পেট্রোল পাম্প কর্তৃপক্ষ।

দক্ষিণ দিনাজপুরের জেলা পুলিশ সুপার চিন্ময় মিতাল বলেন, ‘অভিযোগকারীদের তরফে বিভিন্ন কাগজপত্র দিয়ে অভিযোগ পেয়েছি। পেট্রোলিয়াম পণ্যের জন্য আলাদা আইন আছে। তাদের অভিযোগ খতিয়ে দেখে তদন্ত করা হচ্ছে। যদি কিছু অনিয়ম ধরা পড়ে তাহলে আইনি ব্যবস্থা নেওয়া হবে।’

একটি ছোট সাদা ট্যাংকার। যেখানে পরিষ্কার হরফে লেখা ‘ডিজেল ট্যাংকার’। তার সঙ্গে দেওয়া রয়েছে যোগাযোগের নম্বরও। সেখানে ফোন করলেই ডিজেল প্রাপকের কাছে পৌঁছে যাবে এই ট্যাংকার। এমনকি ট্যাংকারে স্পষ্ট লেখা- হোম ডেলিভারি। পেট্রোল পাম্প মালিকদের অভিযোগ, এভাবে বিভিন্ন এলাকায় পৌঁছে গিয়ে ডিজেল সরবরাহ করার জন্য ব্যবসার ক্ষতি হচ্ছে। পাশাপাশি,



বিতর্কে হোম ডেলিভারি ডিজেল ট্যাংকার।

নিয়ম নেই

■ বাড়ি বসেই মিলছে লিটার লিটার ডিজেল

■ তেলের ট্যাংকার বানিয়ে তাতেই ডিজেল বিক্রি করা হচ্ছে প্রকাশ্যে

■ যে কোনও সময় বড় বিপদের আশঙ্কা করছে নর্থবেঙ্গল পেট্রোল ডিভার্স অ্যাসোসিয়েশন

■ এভাবে দাঘ জ্বালানি বহন করার নিয়ম নেই বলে তারা দাবি করেছেন।

দুরদূরান্তের গ্রাম থেকে যেভাবে সাধারণ মানুষ ডিজেল নিতে আসতেন পেট্রোল পাম্পগুলিতে, এই ধরনের ব্যবস্থা চালু করার ফলে তাঁরা আর পেট্রোল পাম্পমুখী হচ্ছেন না। এরপর দশের পাতায়

চাঁচল সুপারস্পেশালিটি হাসপাতাল চত্বরে হইচই তোয়ালে মোড়া জ্ঞাণ উদ্ধার

সৌম্যজ্যোতি মণ্ডল

চাঁচল, ২৪ জুন : কিছুক্ষণ আগে হয়ে যাওয়া বৃষ্টিতে লাল রংয়ের তোয়ালেটা তখন ভিজে গিয়েছে। সেই তোয়ালের ফাঁক দিয়ে খুদের দুই পারের পাতা দেখা যাচ্ছে। চা পেতে গিয়ে এক ওয়ার্ড বয়ের হঠাৎ তা নজরে আসে। এরপরই ঘটনাটিকে কেন্দ্র করে মঙ্গলবার বেলা ১১টা নাগাদ চাঁচল সুপারস্পেশালিটি হাসপাতাল চত্বরে ব্যাপক হইচই শুরু হয়। হাসপাতালে নিরাপত্তার দায়িত্বে থাকা পুলিশকে নিয়ে কর্তৃপক্ষ সাত-আট মারের এক জ্ঞাণ উদ্ধার করে। পরে চাঁচল থানার পুলিশ আধিকারিকরা ঘনাস্থলে আসেন। ময়নাদণ্ডস্তর জনা সৌ মালদা মেডিকেল কলেজ ও হাসপাতালে পাঠানো হয়।

কাঠগড়ায় নার্সিংহোম

■ চাঁচল সুপারস্পেশালিটি হাসপাতাল চত্বরে জ্ঞাণ উদ্ধারে হইচই

■ গর্ভপাত করিয়ে সাত-আট মারের জ্ঞাণটিকে মেঝে ফেলা হয়েছে বলে মনে করা হচ্ছে

■ টোটোয় চেপে কিছু মানুষ এসে হাসপাতাল চত্বরে জ্ঞাণটি রেখে যায় বলে সিসিটিভিতে দেখা গিয়েছে

■ আশপাশে থাকা কোনও নার্সিংহোমে এই গর্ভপাত বলে অভিযোগ, তদন্তে পুলিশ

চাঁচল সুপারস্পেশালিটি হাসপাতালের সুপার সুমিত তালুকদারের বক্তব্য, ‘বাইরে থেকে এসে এখানে জ্ঞাণ ফেলে যাওয়া হয়েছে বলে সিসিটিভি ফুটেজে দেখা



গিয়েছে। আমরা সবই পুলিশকে জানিয়েছি।’ গোটা বিষয়টি খতিয়ে দেখা হচ্ছে বলে চাঁচল থানার এক পুলিশ আধিকারিক জানিয়েছেন।

টিক কী ঘটেছে? হাসপাতালের সিসিটিভি ফুটেজে দেখা গিয়েছে,

এদিন ওই জ্ঞাণ যেখানে উদ্ধার হয় সেখানে বেলা সাড়ে ১১টা নাগাদ একটি টোটো এসেছিল। তাকে কয়েকজন পুরুষ ও মহিলা ছিল। ওই জায়গায় দাঁড়িয়ে থেকে তারা বেশ কিছুক্ষণ অপেক্ষা করতে থাকে। আশপাশে তাদের সজাগ দৃষ্টি ছিল। এরপরই তোয়ালে মোড়া ওই জ্ঞাণ সেখানে রেখে তারা চলে যায়। তোয়ালে দিয়ে যে জ্ঞাণ মুড়ে রাখা হয়েছে তা অবশ্য উদ্ধারের আগে পর্যন্ত বোঝা যায়নি। কিছুক্ষণ বাদে এক তরুণ ঘটনাস্থলে এসে তোয়ালে মোড়া জ্ঞাণটি দেখে পালিয়ে যাচ্ছেন, এমন দৃশ্যও ওই সিসিটিভি ফুটেজে দেখা গিয়েছে। হাসপাতাল সূত্রে খবর, উদ্ধার হওয়া জ্ঞাণটি শিশুপুত্রের। সিসিটিভি ফুটেজ খতিয়ে দেখে পুলিশ গোটা ঘটনার

কিনারা করার চেষ্টা করছে। গর্ভপাত করানোর ক্ষেত্রে কিছু নির্দিষ্ট নিয়ম রয়েছে। এক্ষেত্রে টিক কী হয়েছে তা পুলিশ খতিয়ে দেখছে। হাসপাতালের আশপাশে বেশ কয়েকটি নার্সিংহোম গড়িয়ে উঠেছে। এগুলিরই কোনওটিতে এই গর্ভপাত করানো হয়েছে বলে মনে করা হচ্ছে। অন্যদিকে, এদিনের ঘটনাটিকে কেন্দ্র করে এদিন হাসপাতাল চত্বর সহ আশপাশের এলাকায় জোর চর্চা চলে। হাসপাতালে আসা এক রোগীর আত্মীয় সাজু আলম বলেন, ‘মানুষ কতটা অমানবিক হলে এখানের কয়েক ঘণ্টা ঘটাতে পারে।’ স্থানীয় বাসিন্দা প্রদীপ সরকার বলেন, ‘কিছু নার্সিংহোম বেআইনিভাবে গর্ভপাত করায় বলে শুনেছি। পুলিশ ও প্রশাসন তদন্ত করলে সব স্পষ্ট হবে।’

কালীগঞ্জের মৃত্যুতে নীরব মমতা

অরুণ দত্ত ও নয়নিকা নিয়োগী

কলকাতা, ২৪ জুন : কালীগঞ্জে তৃণমূলের বিজয় মিছিল থেকে ছোড়া বোমায় নাবালিকার মৃত্যুর পর সমাজমাধ্যমে দুঃখপ্রকাশ করেছিলেন মুখ্যমন্ত্রী। কিন্তু ওই ঘটনার ২৪ ঘণ্টার পর বিধানসভার অধিবেশনে শব্দ দিলেও ওই প্রসঙ্গে রা কাড়লেন না মমতা বন্দ্যোপাধ্যায়। তবে কড়া পদক্ষেপ করার জন্য তাঁর সোমবারের নির্দেশের জেরে ইতিমধ্যে ৪ জনকে গ্রেপ্তার করেছে পুলিশ।

কিন্তু বিধানসভার অধিবেশনে ওই প্রসঙ্গ এড়িয়ে যাওয়ায় মুখ্যমন্ত্রীর সমালোচনা করেছে বিজেপি। যদিও আইনশৃঙ্খলার এত বড় বিষয় হাতে পেয়েও বিজেপি কাজে লাগাতে পারল না বলে কটাক্ষ করেছে সিপিএম। মঙ্গলবার কালীগঞ্জে ফিরেছে ১৩ বছরের তামালা খাতুনের প্রাস্টিকে মোড়া দেহ। তার মৃত্যুর জন্য পুলিশ ৪ জনকে গ্রেপ্তার

করলেও পুলিশ নয়, সিবিআই তদন্ত দাবি করছেন তামারার মা-বাবা। ওডিশা থেকে ফিরে এদিন নাবালিকার বাবা হোসেন শেখ বলেন, ‘পুলিশের প্রতি আমার বরদা নেই। আমি দোষীদের শাস্তি চাই। প্রয়োজনে সবকিছু বিসর্জন দিতে আমি রাজি।’ নাবালিকার মা সাবিনার দাবি, ‘আমার মেয়েকে পরিকল্পিতভাবে খুন করা হয়েছে। তৃণমূলকে ভোট দিই না বলে বাড়ি লক্ষ্য করে হামলা চালিয়েছে।’ আদার শেখ, মানোয়ার শেখ, কালু শেখ ও আনোয়ার শেখকে গ্রেপ্তার করা হয়েছে। চার বিজেপি বিধায়ককে সাসপেন্ড করার মঙ্গলবার বিধানসভার অধিবেশন বয়কটের সিদ্ধান্ত নিয়েছিল বিজেপি। সেই কারণে বিধানসভায় এলেও মঙ্গলবার অধিবেশনে যোগ দেয়নি বিজেপি। বিধানসভায় আসেনি বিরোধী দলনেতা শুভেন্দু অধিকারীও। ফলে বিধানসভায় মুখ্যমন্ত্রীকে

হাতের নাগালে পেয়েও কালীগঞ্জ ও রাজ্যের আইনশৃঙ্খলা বিধেয়ে সোচার হতে পারল না বিজেপি।

বিধানসভায় দলের মুখ্য সচেষ্টক শংকর ঘোষ সাফাই দেন, ‘মুখ্যমন্ত্রীর সোমবার বিধানসভায় আসার দিন।’

৪ জন গ্রেপ্তার, সিবিআই তদন্ত দাবি পরিবারের



কামায় জেও পড়েছে তামারার পরিবার।



মহানন্দার ধারে সাদা বুক মাছরাঙা। মালদা শহরে কল্লোল মজুমদারের তোলা ছবি।

উত্তর দিনাজপুরে ভিক্টর-মোহিত দ্বন্দ্ব প্রকাশ্যে কংগ্রেসের কোন্দল

দীপঙ্কর মিত্র

রায়গঞ্জ, ২৪ জুন : জেলা কংগ্রেস সভাপতি মোহিত সেনগুপ্তর সঙ্গে নবাগত কংগ্রেস নেতা আলি ইমরান রমজ তথা ভিক্টরের দ্বন্দ্ব প্রকাশ্যে চলে এল। শেরশাবাদিয়া সম্প্রদায়কে ওবিসি-এ তালিকাভুক্ত করার দাবিতে মঙ্গলবার প্রদেশ কংগ্রেসের সাধারণ সম্পাদক আলি ইমরান রমজ (ভিক্টর)-এর নেতৃত্বে শেরশাবাদিয়া সম্প্রদায়ের প্রতিনিধিরা জেলা শাসকের দপ্তরে ডেপুটেশন দেন। কিন্তু এদিনের এই কর্মসূচিতে দেখা যায়নি উত্তর দিনাজপুর জেলা কংগ্রেস সভাপতি মোহিত সেনগুপ্ত সহ জেলার অন্য নেতৃবৃন্দ। এতেই দুই নেতার দ্বন্দ্ব নিয়ে দলের অন্তরেই চাপা গুঞ্জন শোনা যায়। জেলা কংগ্রেস সভাপতি মোহিত সেনগুপ্ত বলেন, ‘আজকের কর্মসূচির বিষয়ে আমাকে কিছুই জানানো হয়নি। শুনেছি ডেপুটেশন আছে।’ জেলা কংগ্রেস সভাপতির অভিযোগ, ‘আমাদের সঙ্গে কোনও যোগাযোগে রাখেন না ভিক্টর। তিনি নিজের মতো কর্মসূচি করছেন।’

শেরশাবাদিয়া ইস্যুতে সম্প্রতি মুখ্যমন্ত্রীকেও চিঠি দিয়েছেন ভিক্টর। সেই ব্যাপারেও তিনি জেলা কংগ্রেস নেতৃত্বকে সম্পূর্ণ অন্ধকারে রেখেছেন বলে অভিযোগ। যদিও ভিক্টরের বক্তব্য, ‘কর্মসূচি নেওয়ার সময় আমি দলের জেলা সভাপতিকে জানিয়েছিলাম।’

তিনি সব কিছুই জানেন। কংগ্রেস ছাড়াও অন্যান্য দল ও স্বেচ্ছাসেবী সংস্থা থেকেও লোকজন এসেছেন আজকের কর্মসূচিতে। ফলে জেলা কংগ্রেস নেতৃত্ব জানেন না, এমনটা হতে পারে না।’

প্রতিশ্রুতি সার, মেলেনি রাস্তা

পঙ্কজ মহন্ত

বালুরঘাট, ২৪ জুন : অমৃতখণ্ড গ্রাম পঞ্চায়েতের তুলসীপুর থেকে গোপালবাটী গ্রাম পঞ্চায়েতের কামালপুর পর্যন্ত দীর্ঘ ১২ কিলোমিটার রাস্তা দীর্ঘদিন থেকে বেহাল। প্রায়শই দুর্ঘটনার কবলে পড়ছেন স্থানীয় বাসিন্দারা। জনপ্রতিনিধিদের থেকে বারবার রাস্তা ঠিক করার প্রতিশ্রুতি পেলেও রাস্তা ঠিক হয়নি। ফলে স্থানীয় বাসিন্দাদের মধ্যে ক্ষোভ বাড়ছে।

স্থানীয় বাসিন্দা বিমল সরকার বলেন, ‘রাস্তার অবস্থা অত্যন্ত শোচনীয়। প্রতিদিন যাতায়াত করতে গিয়ে চরম দুর্ভোগে পড়ছি সকলে। অথচ তা মেরামতে কারও তেমন হেলদোল নেই।’

স্থানীয় বাসিন্দাদের অভিযোগ, কয়েকটি ভোট পেরিয়ে গেলেও রাস্তাটি ঠিক হয়নি। ভোট এসে ভোট চলেও যায়। কিন্তু রাস্তার দেখা পান না গ্রামের বাসিন্দারা। গত পঞ্চায়েত ও বিধানসভা ভোটের আগেও জনপ্রতিনিধিদের কাছ থেকে ওই রাস্তা ঠিক করে দেওয়ার প্রতিশ্রুতির বন্যা বয়ে গিয়েছিল। কিন্তু পরিস্থিতি এখনও সেই তিমিরেই পড়ে রয়েছে।

কবে রাস্তাটি ঠিক হবে তা কেউ জানে না। যদিও অতি দ্রুত ওই সমস্যা সমাধানের আশ্বাস দিয়েছেন বালুরঘাট পঞ্চায়েত সমিতির সভাপতি অরূপ সরকার। অরূপের বক্তব্য, ‘ওই রাস্তা নিমণের জন্য অর্থবরাদ্দ হয়েছে। খুব শীঘ্রই রাস্তা নিমণের কাজ শুরু হবে।’

বালুরঘাট রক্তের ওই ১২ কিমি রাস্তা দিয়ে সাতইশ, তুলসীপুর, কামালপুর সহ ২০ থেকে ২৫টি গ্রামের কয়েক হাজার মানুষ প্রতিদিন যাতায়াত করেন। বেহাল রাস্তার কখনও স্কুলে যেতে গিয়ে জলকাদার মধ্যে সাইকেল নিয়ে পড়ে গিয়ে

বাগানবাড়িতে মধুচক্র, গাজোলে উত্তেজনা

গাজোল, ২৪ জুন : কদুবাড়ি মোড় সংলগ্ন হরিদাস এলাকার একটি বাগানবাড়িতে মধুচক্র চালানোর ঘটনাকে কেন্দ্র করে মঙ্গলবার তীব্র উত্তেজনা ছড়িয়ে পড়ে এলাকায়। স্থানীয় বাসিন্দারা হাতেনাতে এক ব্যক্তি, দুই মহিলাকে ধরে ফেলেন। খবর পেয়ে ঘটনাস্থলে পৌঁছে যায় গাজোল থানার পুলিশ। ক্ষুব্ধ জনতার রোষের হাত থেকে কোনওরকমে তাদের উদ্ধার করে থানায় নিয়ে যায় পুলিশ।

স্থানীয় বাসিন্দারা জানান, কদুবাড়ি মোড় এলাকার সন্তোষ রায় নামে এক ব্যক্তি দীর্ঘদিন ধরে ওই কারবার চালিয়ে আসছে বলে অভিযোগ। এলাকাবাসী প্রতিবাদ করলে তাদের প্রাণে মেরে ফেলার হুমকি দিতেন ওই ব্যক্তি। এদিনও একটি চার চাকার ছোট গাড়িতে করে দুই মহিলাকে নিয়ে আসে সন্তোষ। এলাকাবাসীরা তাকে তক্কে ছিলেন। গাড়িটি বাগানবাড়িতে প্রবেশ করতেই সকলে মিলে থিরে ধরেন। সন্তোষ পালিয়ে যাওয়ার চেষ্টা করেও বিফল হয়। এক মহিলা জানায়, তাকে শপিং করার নাম করে এখানে নিয়ে আসা হয়েছে। তবে অভিযুক্ত মহিলা আমজনতার প্রশ্নের কোনও সদুত্তর দিতে পারেননি। এরপরই স্থানীয় জনতার রোষ বাড়তে থাকে। তিনজনকে আটকে রাখেন স্থানীয় বাসিন্দারা। খবর পেয়ে ঘটনাস্থলে এসে তিনজনকে আটক করে নিয়ে যায় গাজোল থানার পুলিশ।

ইনটাকের অফিস দখল

মালদা, ২৪ জুন : কংগ্রেসের শ্রমিক সংগঠনের (ইনটাক) কার্যালয়ের দখল নিয়ে মঙ্গলবার দুই গোষ্ঠীর মধ্যে বিবাদ থেকে মারধরের অভিযোগ উঠেছে। খবর পেয়ে পুলিশ ঘটনাস্থলে পৌঁছে পরিস্থিতি নিয়ন্ত্রণে নিয়ে আসে।

মালদা শহরের রংবাড়ি এলাকায় অবস্থিত কংগ্রেসের শ্রমিক সংগঠনের অফিসটি তৈরি করেছিলেন প্রয়াত শ্রমিক নেতা বিশ্বনাথ গুহ। পরবর্তীতে এই অফিসের দায়িত্ব সামলেছেন তাঁর স্ত্রী লক্ষ্মী গুহ। সম্প্রতি কংগ্রেসের জেলা শ্রমিক সংগঠনের সভাপতির দায়িত্ব পেয়েছেন সঞ্জীব সাহা। এরপর থেকেই এই অফিসের দখল নিয়ে লক্ষ্মীর সঙ্গে সঞ্জীবের বিবাদ শুরু হয়।

দুই গোষ্ঠীর মধ্যে ফের বিবাদ বাধে। লক্ষ্মীর অভিযোগ, ‘এই অফিস আমার স্বামীর। আজ সকালে দলবল নিয়ে সঞ্জীবের লোক এই অফিস দখল করতে এসেছিল। আমাকে ওঁদের লোক মারধর করেছে।’

সঞ্জীবের পালাটা অভিযোগ, ‘এটা পার্টির অফিস। কারও ব্যক্তিগত অফিস নয়। বিশ্বনাথের স্ত্রী এই জায়গায় বসে ব্যবসা করছেন। আজ দুপুরে অফিসে আসার পর ওঁদের কিছু লেলেও নিয়ে আমাদের ওপর হামলা চালায়।’

সঞ্জীবের স্ত্রী লক্ষ্মী গুহ বলেন, ‘শেরশাবাদিয়া কর্মসূচিতে আগের মতো ওবিসি-এ শ্রেণিতে তালিকাভুক্ত করতে হবে এবং অন্যান্য দাবিগুলিও বিবেচনা করতে হবে।’

প্রদেশ কংগ্রেসের সাধারণ সম্পাদক আলি ইমরান রমজের

মহিলার বুলন্ত দেহ উদ্ধার

গঙ্গারামপুর, ২৪ জুন :

গঙ্গারামপুর রক্তের অশোক গ্রাম পঞ্চায়েত এলাকায় সোমবার নূর নেহার বিবি (৬৫) নামে এক মহিলার বুলন্ত দেহ উদ্ধার হয়। বিষয়টি পরিবারের সদস্যদের নজরে এলে তড়িঘড়ি তাকে উদ্ধার করে গঙ্গারামপুর সুপারস্পেশালিটি হাসপাতালে ভর্তি করা হয়। অবশেষে সোমবার সন্ধ্যায় মৃত্যু হয় ওই বধূর।

স্থানীয় সূত্রে খবর, পারিবারিক বিবাদের জেরে ওই বধূ এক মাস আগেও বিষপান করে আত্মঘাতী হওয়ার চেষ্টা করেছিলেন। তবে সেই যাতায়াত রক্ষা পান তিনি। পারিবারিক বিবাদের জেরে এদিন তিনি বাড়িতে ফাঁস লাগিয়ে আত্মহত্যার চেষ্টা করেন বলে জানিয়েছেন তাঁরা।

মঙ্গলবার পঞ্চদশ ফিল্মফেয়ার কমিশনের টাকায় হিরন্ময়পুর থানা এলাকার ভিক্সল গ্রাম পঞ্চায়েতের মিসকিনপুরে একটি সাবমার্সিবল পাম্পের শিলান্যাস করা হয়।



গ্রাম পঞ্চায়েতের ফাভ কম। কাজটি পঞ্চায়েত সমিতি বা জেলা পরিষদ থেকে করতে পারবে।

— পূজা হাঁসদা
প্রধান, বুলবুলচণ্ডী গ্রাম পঞ্চায়েত

অসন্তোষ দক্ষিণ দিনাজপুরে, কাঠগড়ায় রাজ্য ভাতা পাননি সভাপতিপতিও

সুবীর মহন্ত

বালুরঘাট, ২৪ জুন : উন্নয়নের ফিরিস্তি কম নেই শাসকের। প্রতিটি ক্ষেত্রে বিরোধিতাও রয়েছে বিরোধীদের। রাজ্যে ‘২৬-এর ভোট যত এগিয়ে আসবে, ততই শাসকবিরোধী মেরুকরণ স্পষ্ট হবে। কিন্তু ভাতা প্রাপ্তির ক্ষেত্রে একই সরণিতে দাঁড়িয়ে সবপক্ষের গ্রামীণ স্তরের জনপ্রতিনিধিরা। জেলা পরিষদের সভাপতিপতি থেকে সাধারণ গ্রাম পঞ্চায়েত সদস্য, গত বোর্ডের কেউই শেষ পাঁচ মাসের সামান্যিক পাননি। এদের মধ্যে অনেকেই বর্তমান বোর্ডে রয়েছেন। তাঁদের বড় একটা অংশ সরাসরি রাজ্যকে কাঠগড়ায় না তুললেও, প্রাক্তন হয়ে যাওয়া অনেকেই সমাজমাধ্যমে মুখ খুলেছেন।

গত বোর্ডে সভাপতিপতি ছিলেন লিপিকা রায়, তিনি বর্তমান বোর্ডে কর্মধ্যক্ষ। আবার গত বোর্ডে কর্মধ্যক্ষ থাকা চিত্তামণি বিহা এখনকার সভাপতি। নতুন বোর্ড তৈরির দুই বছর হলেও তারা

পুরানো বোর্ডের শেষ পাঁচ মাসের সামান্যিক পাননি। শুধু এই দুজন নয়, গত বোর্ডের শেষ পাঁচ মাসের ভাতা পাননি সহকারী সভাপতিপতি থেকে কর্মধ্যক্ষ, পঞ্চায়েত সমিতির সভাপতি থেকে প্রধান, তিন স্তরের জনপ্রতিনিধিরাই। জানা গিয়েছে, ছয় মাস আগে বকেয়া টাকা চেয়ে রাজ্য পঞ্চায়েত দপ্তরে চিঠি পাঠানো হলেও, তার কোনও উত্তর জেলা প্রশাসন পায়নি। এ ব্যাপারে দক্ষিণ দিনাজপুর জেলা পঞ্চায়েত ও গ্রাম উন্নয়ন আধিকারিক সূত্রত মজুমদার বলেন, ‘জনপ্রতিনিধিদের কয়েক মাসের বকেয়া রয়েছে। প্রায় মাস বকেয়া আগে রক্ত স্তরে বকেয়ার হিসাব তৈরি করে তা রাজ্য পঞ্চায়েত দপ্তরে পাঠিয়েছি অর্থ বরাদ্দের জন্য। তবে আজও উত্তর মেলেনি।’

জেলা পরিষদের গত বোর্ডের সভাপতিপতি লিপিকা বলছেন, ‘এই সময়ের কোনও বকেয়া নেই। কিন্তু গত বোর্ডের পাঁচ মাসের ভাতা পাওয়া যায়নি। আমি শুধু একা নই, কেউই পাননি। বালুরঘাট রক্তের চিকিৎসার গ্রাম পঞ্চায়েতের প্রাক্তন উপপ্রধান

ক্ষুব্ধ জনপ্রতিনিধিরা

■ নতুন বোর্ড গঠনের দু’বছর পরেও পুরানো বোর্ডের পাঁচ মাসের ভাতা বকেয়া

■ সামান্যিক থেকে বঞ্চিত সভাপতিপতি সহ প্রায় দেড় হাজার জনপ্রতিনিধি

■ ছয় মাস আগে পঞ্চায়েত দপ্তরে চিঠি গেলেও উত্তর মেলেনি

■ টাকা গেল কোথায়, সমাজমাধ্যমে প্রশ্ন তুলছেন ক্ষুব্ধ জনপ্রতিনিধিরা

আরএসপি নেতা উৎপল বর্মের বক্তব্য, ‘২০১৮ সাল থেকে ২০২৩ সাল পর্যন্ত পঞ্চায়েত বোর্ডের সদস্য ছিলাম। কিন্তু শেষ কয়েক মাসের ভাতা দেওয়া হয়নি।’ বোয়ালদার গ্রাম পঞ্চায়েতের প্রাক্তন সঞ্চালক অনুকূল দাসের কটাক্ষের সূরে প্রশ্ন, ‘পাঁচ মাসের বকেয়া টাকা কি



বৃষ্টি মাখায় ঘরের পথে।।

রায়গঞ্জের হাতিয়ার দিবাকর সাহার ক্যামেরায়।

বাপের বাড়ির অভিযোগে গ্রেপ্তার তিন স্বামীর অত্যাচারেই ‘মৃত্যু’ অষ্টাদশীর

শেখ পালা

রতুয়া, ২৪ জুন : বাপের বাড়ি থেকে পণের টাকা আনার চাপ ছিল। সে কথা না শোনায় এক বধূর উপর শারীরিক ও মানসিক অত্যাচার চলত। ওই বধূকে গলায় ফাঁস লাগিয়ে খনের চেষ্টার অভিযোগও রয়েছে স্বামীর বিরুদ্ধে। এক্ষেত্রে স্বামীকে মাদত দেওয়ার অভিযোগ রয়েছে শ্বশুরবাড়ির অন্য সদস্যদের বিরুদ্ধে। অত্যাচার সহ্য করতে না পেরে বিষপান করে আত্মঘাতী হয়েছেন ওই বধূ, বক্তব্য মেয়েটির বাপের বাড়ির লোকজনের। ঘটনাটি ঘটেছে রতুয়া থানার বৈকুণ্ঠপুর থোবি মোড় এলাকায়। ঘটনার প্রেক্ষিতে মৃত বধূর বাপের বাড়ির লোকজন স্থানীয় থানায় লিখিত অভিযোগ দায়ের করেছেন। অভিযোগ পেয়ে যথারীতি স্বামী সহ শ্বশুর ও শাশুড়িকে গ্রেপ্তার করেছে রতুয়া থানার পুলিশ।

মাত্র একবছর আগে বিয়ে হয়েছিল রতুয়া থানার বাহারাল গ্রাম পঞ্চায়েতের দক্ষিণ সাহাপুর গ্রামের তাকুশ খাতুনের (১৮) সঙ্গে বৈকুণ্ঠপুর থোবি মোড়

এলাকার বাসিন্দা সম্রাট আনসারির। অভিযোগ, বিয়ের পর থেকেই স্ত্রীর উপর অত্যাচার চালাত সম্রাট। অত্যাচারে হাত লাগাত ওই বধূর শ্বশুর, শাশুড়ি এবং ননদও। তারুণকে মারধর করা হত। গলায়



বাড়ির সামনে জটলা। - সংবাদচিত্র

ফাঁস লাগিয়ে খনের চেষ্টাও হয়েছে বলে তারুণের বাপের বাড়ির লোকদের অভিযোগ। অত্যাচারের ঘটনা নিয়ে একাধিকবার গ্রামে সালিশি সভা বসেছে। কিন্তু সমস্যা মেটেনি। বাপের বাড়ি থেকে মোটা অঙ্কের টাকা নিয়ে আসার জন্য চাপ দেওয়া হত বলে অভিযোগ। তারুণের মা বিজলি বিবির জানিয়ে, ‘টাকা দিতে না পারায় মেয়ের উপর অত্যাচারের মাত্রা বেড়ে যায়। মেয়ের মুখে বালিশ চাপা দিয়ে খনের চেষ্টা করা হয়। মেয়েকে

খাবার দিত না। এত অত্যাচার সহ্য করতে না পেরে শেষে সোমবার তারুণ বিষপান করে।’ খবর পেয়ে তাঁরা মেয়েকে রতুয়া গ্রামীণ হাসপাতালে ভর্তি করেন। সেখানকার চিকিৎসকরা মালদা মেডিকেল কলেজ ও হাসপাতালে রেফার করেন। কিন্তু মালদা নিয়ে যাওয়ার পথে তারুণের শারীরিক অবস্থার অবনতি হলে তাঁকে ফের রতুয়া হাসপাতালে নিয়ে যাওয়া হয়। তখনই চিকিৎসকরা তারুণকে মৃত বলে ঘোষণা করেন।

মেয়ের মৃত্যুর পর বিজলি বিবি জামাই সহ মোট চারজনের নামে রতুয়া থানায় অভিযোগ দায়ের করেন। পুলিশ স্বামী সম্রাট সহ তার বাবা বাবুল আনসারি এবং মা সার্বিলা বিবিকে গ্রেপ্তার করেছে। যদিও ননদ সোহানি খাতুন পলাতক বলে জানিয়েছে পুলিশ। এই ঘটনায় তারুণের বাপের বাড়ির লোকজন অভিযুক্তদের কঠোর শাস্তি দাবি করেছেন। রতুয়া থানার পুলিশ জানিয়েছে, ঘটনার তদন্ত চলছে। বাকি অভিযুক্তের খোঁজে তদন্ত চালাচ্ছে পুলিশ। দোষীদের কড়া শাস্তি চাইছেন মৃত্যুর আত্মীয়রা।

কফিনবন্দি হয়ে গ্রামে ফিরলেন পরিয়ায়ী শ্রমিক

সৌরভকুমার মিশ্র

হরিশ্চন্দ্রপুর, ২৪ জুন : পেটের টানে কাজ করতে গিয়েছিলেন মধ্যপ্রদেশের ইন্দোরে। আর সেখান থেকেই বাংলার এক পরিয়ায়ী শ্রমিকের বুলন্ত দেহ উদ্ধার হল। সোমবার রাতে মৃত ওই শ্রমিকের নাম রেজাউল হুত (২১)। তাঁর বাড়ি হরিশ্চন্দ্রপুর-১ রক্তের অন্তর্গত ভিক্সল গ্রাম পঞ্চায়েতের ভিক্সল গ্রামে। কিন্তু শেষ কয়েক মাসের পঞ্চায়েতের প্রায় ১০০০-র বেশি গ্রাম পঞ্চায়েত সদস্য, প্রায় ২০০ পঞ্চায়েত সমিতির সদস্য ও জেলা পরিষদের ২১ জন সদস্য রয়েছে।

মঙ্গলবার শ্রমিকের দেহ বাড়িতে পৌঁছেছে। পরিবার ও স্থানীয় সূত্রে জানা গিয়েছে, পরিবারের আর্থিক অবস্থার কথা ভেবেই প্রায় চার মাস আগে তিনি মধ্যপ্রদেশের ইন্দোরে কাজ করতে গিয়েছিলেন। রেজাউলের বাড়িতে তাঁর বাবা, মা, স্ত্রী ও এক ছেলে রয়েছে। ছোট এক মাটির বাড়িতে সকলে থাকতেন। এখন বাড়ির একমাত্র রোজগারে সদস্যের মৃত্যুতে কীভাবে সংসার চলবে সেই নিয়ে পরিবারের লোকেরা চিন্তায় পড়েছেন। ফলে পরিজনেরা প্রশাসনের কাছে সাহায্যের আবেদন জানিয়েছেন। এ প্রসঙ্গে হরিশ্চন্দ্রপুর-১ এর বিডিও জানিয়েছেন, রক্ত প্রশাসন পরিবারটির পাশে রয়েছে। তাঁদের সব রকমের সাহায্য করা হবে।

কাফ সিরাপ বাজেয়াপ্ত

কুশমণ্ডি, ২৪ জুন : সোমবার গভীর রাতে ৪৫ বোতল কাফ সিরাপ বাজেয়াপ্ত করল কামফ রক্তের পদ্মাকুমারী বিডিও। বিএসএফ রক্তের জানা গিয়েছে, এদিন রাতে সূঁচের মধ্যে পাচারের উদ্দেশ্যে সীমান্তে কাফ সিরাপ নিয়ে এসেছিল এক পাচারকারি। বিএসএফের জওয়ান ধাওয়া করতই কাফ সিরাপ ফেলে পালিয়ে যায় ওই দম্পতি। মঙ্গলবার ওই কাফ সিরাপের বোতলগুলি কুশমণ্ডি থানায় জমা করে বিএসএফ।

জগন্নাথপুরে বাঁশের সাঁকোই ভরসা

হরষিত সিংহ

হরিবপুর, ২৪ জুন : বর্ষা এলেই একাধিক জায়গায় তৈরি হয়ে বাঁশের সাঁকো। এছাড়াও নদী পারাপারের জন্য বাঁশের সাঁকো রয়ে যায় বহরভর, বিভিন্ন জায়গায়। কিন্তু বাঁশের সাঁকোর রাস্তা কখনও দেখেছেন? এমন প্রশ্ন অনেককেই চিন্তায় ফেলে দেয়। কিন্তু রাস্তা ভেঙে যাওয়ায় চলাচলের উপায় এমনই পথ রয়েছে হরিবপুরের বুলবুলচণ্ডী পঞ্চায়েতের জগন্নাথপুর গ্রামে।

গ্রাম পঞ্চায়েত থেকে অবশ্য নয়, নিজেদের দুর্ভোগ দূর করতে এমনই রাস্তা তৈরি করেছেন গ্রামবাসীরা। প্রায় দুই দশক ধরে এমন পথে চলছে চলাচল। প্রশাসন থেকে কোনও পদক্ষেপ না করায়, নিজেদের চলার পথ নিজেরাই তৈরি করে নিয়েছেন


পঞ্চায়েত সদস্য জয়দেব হালদার বলেন, ‘আমরা অনেক চেষ্টা করছি। রাস্তা হলে সকলের উপকার হবে। কিন্তু হচ্ছে না। সেচ দপ্তর থেকে একবার পরিদর্শন করেছিল। ফের সেচ দপ্তরে আবেদন জানানোর পরিকল্পনা নিয়েছি।’

পঞ্চায়েতের জগন্নাথপুর সহ একাধিক গ্রামের পাশ দিয়ে প্রবাহিত চান্দন নদী। একসময় দুইপাড়া হয়ে রামকান্তপুর থেকে জগন্নাথপুর পর্যন্ত নদীর ধার দিয়ে কংক্রিটের রাস্তা নির্মাণের পাইড দেবেও রাস্তাটির একাধিক জায়গায় ধস নেমেছে। তবে রামকান্তপুর থেকে জগন্নাথপুর পর্যন্ত একেবারেই রাস্তা নেই। প্রায় ১৫০ মিটারজুড়ে বাঁশের সাঁকো রয়েছে। গ্রামের বাসিন্দারা নিজেরাই তৈরি করেছেন এই সাঁকো। সমস্যার সমাধান অত্যন্ত প্রয়োজন। গ্রামের বাসিন্দা বিকাশ সরকার

বলেন, ‘খুব সমস্যা যাতায়াত করতে। রাস্তা না থাকায় কোনও গাড়ি চলে না। আবার বর্ষার সময় ভেঙে যায়। আমরা নিজেরাই মেরামত করি। প্রতিবছর বর্ষায় বাঁশ পড়ে ভেঙে যায়। সেই সময় গ্রামবাসীরা নিজেরাই মেরামত করেন সাঁকো। স্থানীয় সূত্রে জানা গিয়েছে, পঞ্চায়েতের পক্ষ থেকে নদীর তীরে গার্ডওয়াল দেওয়া হয়েছিল। কয়েক বছর আগে ভেঙে গিয়েছে। তবে গার্ডওয়াল নয়, রাস্তা চাইছেন বাসিন্দারা। স্থানীয় আশাকর্মী টনু কর্মকার মজুমদার বলেন, ‘গাড়ি টোকে না এলাকায়। প্রস্তুতিপের হাসপাতাল নিয়ে যেতে খুব সমস্যা হয়। বাঘ হলেও তাঁদেরকে হেঁটে নিয়ে যেতে হয়। বহরবার পঞ্চায়েত থেকে রক্ত দপ্তরে জানিয়ে এসেছি। সমস্যার সমাধান অত্যন্ত প্রয়োজন। রামকান্তপুর, জগন্নাথপুর সহ

কয়েকটি গ্রাম মিলিয়ে প্রায় ২০০টি পরিবারের বসবা। বর্ষার বৃষ্টি শুরু হতেই ভাঙনের আতঙ্ক তাড়া করছে গ্রামবাসীদের। আবার হয়তো নতুন করে কোথাও রাস্তা ভেঙে যাবে। সাঁকো ভেঙে হয়রানির শিকার হতে হবে।

বুলবুলচণ্ডী গ্রাম পঞ্চায়েত প্রধান পূজা হাঁসদা বলেন, ‘গ্রাম পঞ্চায়েতের ফান্ড কম। কাজটি পঞ্চায়েত সমিতি বা জেলা পরিষদ থেকে করতে পারবে। বিষয়টি জানিয়েছি উপরতন কর্তৃপক্ষকে।’ হরিবপুর পঞ্চায়েত সমিতির স্থানীয় সদস্য ও বিরোধী দলপতি পীথু মণ্ডলের বক্তব্য, ‘কাজটি পঞ্চায়েত বা জেলা পরিষদ সমিতির দ্বারা সম্ভব নয়। বিষয়টি জেলা শাসককে জানানো হয়েছে। জেলা পরিষদ বা জেলা প্রশাসনের পক্ষে সম্ভব রাস্তাটি তৈরি করা।’



বোন সোনাঙ্কীর কথায় ভাই কুশ

সোনাঙ্কী সিনহার আগামী ছবি ‘নিকিতা রায়’। পরিচালক কুশ এস সিনহা। ইনি সোনাঙ্কীর দাদা। এটি তাঁর পরিচালিত প্রথম ছবি। জাহির ইকবালকে বিয়ে করার পর থেকে সোনাঙ্কীর দুই দাদা লব ও কুশের সঙ্গে বোনের সম্পর্কটা একটু শীতল। এই বিয়ে তাঁরা মানতে পারেননি, বিয়েতে নাকি যাননি। জাহির মুসলমান, তাই বিয়েতে তাঁদের আপত্তি ছিল—এসব কথা মিডিয়ায় অনেকবার লেখা হয়েছে। এখন কুশের পরিচালনায় সোনাঙ্কী ছবি করেছেন, সেখানে ভাই-বোনের সম্পর্কের মধ্যে প্রতিযোগিতা বা টেনশন কতটা ছিল, তাই নিয়ে বেশ প্রশ্ন উঠছে। এবার সে প্রশ্নের উত্তর দিয়েছেন কুশ। তাঁর কথায়, ‘সেটে সোনাঙ্কী একজন অভিনেত্রী, তাঁকে তাঁর প্রাপ্য সম্মান দিয়ে কাজ করেছে। আত্মীয় হোক না হোক, সব অভিনেতাকেই এটা দেওয়া উচিত। সোনাঙ্কীকে এই চরিত্রে নিবারণ করা প্রসঙ্গে কুশ বলেন, ‘সোনাঙ্কী সিনহাকে জানি, তিনি কত ভালো অভিনেত্রী তা জানি, তাহলে তাঁকে কাস্ট করব না? সঠিক চরিত্রে সঠিক অভিনেতাকে কাস্ট করা দরকার। নিকিতা রায় চরিত্রে সোনাঙ্কী অসাধারণ অভিনয় করেছেন।’ এক সাক্ষাৎকারে সোনাঙ্কী বলেছেন, ‘আমি পরিবারে সবথেকে ছোটো, সবাই আমার আদরের, এর জন্য দাদারা আমাকে হিংসা করতেই পারে।’ ভাই-বোনের মধ্যে ‘প্রতিযোগিতা’-র কথা তখনই ওঠে। এছাড়া জাহিরের সঙ্গে তাঁর বিয়ে নিয়েও লব-কুশের সমস্যা ছিল তবে কুশ বলেছেন ‘বিয়েতে আমি ছিলাম, যারা এই গল্প রচাচ্ছে, তাদের সত্যটা যাচাই করে নেওয়া উচিত ছিল।’ নিকিতা রায় প্রসঙ্গে বলা যায়, এই সুপারন্যাচারাল থ্রিলারে সোনাঙ্কী ছাড়া আছেন অর্জুন রামপাল, পরেশ রাওয়াল প্রমুখ। ২৭ জুন সিনেমাহলে ছবি মুক্তি পাবে।



নতুন শহরে পুরানো বন্ধুর সঙ্গেই নতুন সম্পর্ক?

মুহুইয়ে গিয়ে নতুন করে নিজের বন্ধুকে চিনতে পারলেন বাংলার মিশমি। বুঝলেন যে, সৃজন শুধু বন্ধু নন, বোধহয় আরও অনেক কিছু। মিশমি দাস। ‘কোন গোপনে মন ভেদেছে’ ধারাবাহিকের কাজ করতে করতে মুহুই চলে যান। সেখানে হিন্দি ধারাবাহিক ‘রপু’তে কাজ শুরু করেন। এটাই তাঁর মুহুইয়ের প্রথম প্রোজেক্ট। কিন্তু নতুন শহর, নতুন কাজ। সবকিছুই যেখানে নতুন, সেখানে পুরনো বলতে একমাত্র সৃজন দাশগুপ্ত। সঙ্গীতশিল্পী। মিশমির অনেক দিনের বন্ধু। তবে মুহুইয়ে গিয়ে অবশ্য বন্ধুটাই আরও কয়েক ধাপ এগিয়ে গেছে। তাঁর সাম্প্রতিক পোস্ট থেকে সে কথাই মনে হচ্ছে। মিশমি স্পষ্ট লিখেছেন যে, সমস্ত যেখানে নতুন, সেখানে মানিয়ে নিতে নিতে একাকীত্বটাও খুব স্বাভাবিক। শান্ত সুরের মতো সেই একাকীত্ব সরিয়ে দিচ্ছেন সৃজন। আগলে রাখছেন তাঁকে। মিশমির এই পোস্ট থেকে সকলের মনে হচ্ছে যে, তিনি প্রেমে পড়েছেন। যদিও মিশমি এর বেশি আর কিছু বলেননি। এর আগে অবশ্য রণজয় বিশ্বাসের সঙ্গে তাঁর নাম জড়ালেও উড়িয়ে দিয়েছিলেন মিশমি। যদিও সৌরভ আর দর্শনার বিয়েতে রণজয়ের সঙ্গেই এসেছিলেন মিশমি। তবে অভিনেত্রী জানিয়েছিলেন যে, সত্যিই কারও সঙ্গে সম্পর্ক তৈরি হলে সে কথা সবাইকে জানাবেন। তাই কি এই পোস্ট? জল্পনা শুরু হয়েছে টালিগঞ্জ।



ট্রেলারে অক্ষরধাম

২০২২-এর গুজরাটের অক্ষরধাম মন্দির হামলার ওপর নির্মিত ছবি অক্ষরধাময়ঃ অপারেশন বজ্রশক্তি ট্রেলার প্রকাশ্যে এল। ঘটনার ভয়বহতা এবং এর পরের প্রতি আক্রমণ দেখানোর ক্ষেত্রে কিছু কাল্পনিক ঘটনার সাহায্য নেওয়া হয়েছে ছবিতে। ছবির নায়ক অক্ষয় খান্না, তিনি হয়েছেন এনএসজি অফিসার মেজর হানিত সিং। ২০২৫ সালের ৪ জুলাই ছবির মুক্তির কথা আছে। পরিচালক কেন ঘোষ। ট্রেলার শুরু হয় অক্ষয় খান্নাকে দিয়েই। তিনি টেলিফোন মারফত শোনেন এক সন্ত্রাসীর হুমকি—তারপর গুলিবৃষ্টি, গোলমাল, সেনাদের তৎপরতা। অক্ষয়ের অভিনয় নিয়ে নেটমহলে প্রশংসা করলেও ছবির বিষয়বস্তুর সমালোচনা হয়েছে কারণ এই বিষয়ে অজস্র ছবি, সিরিজ হয়েছে, ফলে দর্শক এখন এই বিষয়ে আর ছবি দেখতে চায় না—তেনেই জানিয়েছেন তারা। ছবিতে অক্ষয় ছাড়া আছেন সমীর সোনি, গৌতম রোড, অক্ষয় ওবেরয়, প্রমুখ।

শ্রাবস্তীর অভিনব পদক্ষেপ

শ্রাবস্তী এবার নতুন ভূমিকায়। তিনি এবার পরিবেশক। তা কোন ছবি পরিবেশনা করবেন তিনি? ছবিটির নাম ‘দাঁতের লড়াই’। একেবারে গ্রাম্য পটভূমিকায় গল্প। এই ছবির গল্প ও চিত্রনাট্য



রচনা করেছেন পরিচালক বিপ্লব কোয়াল। বুঝাই হালদার ক্যামেরা ও সম্পাদনার দায়িত্বে।

গল্পের মুখ্য চরিত্রে ‘খুকু’ নামের এক দরিদ্র মেয়ে। যার প্রিয় ক্যান্ডির নাম ‘দাঁতের লড়াই’। সেই থেকেই ছবির নাম। এই সামান্য লজ্জাপকে ঘিরে ‘খুকু’র জীবনের বড় টানাপোড়েনের গল্প উঠে আসবে ছবিতে।

ছবির মূল চরিত্র অর্থাৎ ‘খুকু’র ভূমিকায় শিশুশিল্পী আকাশিকা সেনগুপ্ত। তার বাবা ‘দানু’র চরিত্রে অভিনাষ চক্রবর্তী ও মা চরিত্রে স্বস্তিকা দাস। অন্যান্য গুরুত্বপূর্ণ চরিত্রে পার্থ ঘটক, চৈতালি জানা, বাবলু বন্দ্যোপাধ্যায়।

ছবি প্রসঙ্গে শ্রাবস্তী বলেন, ‘দাঁতের লড়াই এক হৃদয়স্পর্শী ছবি। পরিচালক বিপ্লব কোয়াল ও তাঁর টিম যখন এই সিনেমাটি প্রেক্ষেপ্ত করার প্রস্তাব দেন, তখন আমি আগ্রহ নিয়ে ছবিটি দেখি। দেখার পর মনে হয়, এটা একটা সুন্দর ও মননশীল কাজ, যা মানুষের মন ছুঁয়ে



যাবে। তাই আমি সিদ্ধান্ত নিই এই ছবির সঙ্গে যুক্ত হওয়ার। এই প্রথম পরিবেশক হিসেবে কাজ করছি, তাই এক নতুন অভিজ্ঞতার মধ্য দিয়ে যাচ্ছি। বাংলা সিনেমার প্রতি আমার ভালোবাসা থেকেই এই দায়িত্ব গ্রহণ করছি।’

দিলজিতকে নিষিদ্ধ করতে প্রধানমন্ত্রীর কাছে চিঠি



দিলজিৎ সিং অভিনীত সদার জি ও ছবি নিয়ে এবার সরাসরি প্রধানমন্ত্রীর কাছে গেল ফোডারেশন অফ ওয়েস্টার্ন ইন্ডিয়া সিনে এমপ্লয়িজ। সংস্থা অনেকদিন ধরে এই ছবি ও দিলজিতের বিরুদ্ধে নিন্দা করছে কারণ ছবিতে পাকিস্তানী অভিনেত্রী হানিয়া আমির আছেন। পহলগামের ঘটনার পরও দিলজিৎ তাঁর সঙ্গে কাজ করেছেন বলেই এই নিন্দা। যদিও নিমাতারা বলেছেন, এই ঘটনার আগেই শুটিং সম্পূর্ণ হয়ে গিয়েছিল। এবার প্রধানমন্ত্রী নরেন্দ্র মোদিকে চিঠি দিয়ে সংস্থা দাবি করেছে দিলজিৎ ও ছবির অন্য কলাকুশলীদের বিরুদ্ধে কড়া ব্যবস্থা নিতে হবে। সংস্থা বলেছে, ‘দিলজিৎ ও অন্যরা ভারতীয় নাগরিক হওয়ায় সুবিধা নিচ্ছেন। আমাদের দেশের সৈন্যবাহিনীকে নিয়ে রসিকতা করেছেন হানিয়া, জঙ্গিদের সম্মান দিয়েছেন। তাঁকে ভারতের ছবিতে নেওয়া সংবেদনশীল সিদ্ধান্ত নয়।’

প্রধানমন্ত্রীর কাছে সংস্থার দাবি দিলজিৎ ও ছবির প্রযোজক-পরিচালকদের পাসপোর্ট বাতিল হোক, তারা যেন ভারতীয় নাগরিক হিসেবে কোনও সুবিধা না পান।



একনজরে সেরা

মা-নিকিতা

২৭ জুন মুক্তি পাচ্ছে কাজল অভিনীত মাইখোলজিক্যাল থ্রিলার মা ও সোনাঙ্কী সিনহা অভিনীত সুপারন্যাচারাল থ্রিলার নিকিতা রায়। দুটি ছবির বক্স অফিসে প্রতিযোগিতার কথায় সোনাঙ্কী বলেছেন, একই দিনে দুটি নারীকেন্দ্রিক ছবি আসছে, স্বাস্থ্যকর প্রতিযোগিতা খুবই ভালো। সবাই জন্মই যুদ্ধের মাঠ আছে। দুটি ছবিকেই তিনি শুভেচ্ছা জানিয়েছেন।

অবতার আর গোবিন্দা

জেমস ক্যামেরনের ছবি অবতার-এ গোবিন্দার অভিনয়ের প্রস্তাব পাওয়া প্রসঙ্গে গোবিন্দার স্ত্রী সুনীতা বলেছেন, ‘৪০ বছর গোবিন্দার সঙ্গে আছি, এরকম কবে হলে জানি না তো। আমি মিথ্যা বলি না, মিথ্যার সঙ্গেও থাকি না।’ প্রসঙ্গত, মুকেশ খান্নার সঙ্গে এক সাক্ষাৎকারে গোবিন্দা দাবি করেছিলেন অবতার-এ অভিনয়ের কথা।

মুহুইয়ে একতা

টলিউডের পোস্টার কুইন একতা ভট্টাচার্য এবার গেলেন বলিউডে। সোনাঙ্কী সিনহা অভিনীত নিকিতা রায় ছবির পোস্টার ডিজাইন তাঁরই। আরো কয়েকটি হিন্দি ছবির কাজ করেছেন, সেগুলি মুক্তি প্রতীক্ষিত। একতার বাবা প্রভাত রায় উচ্ছসিত মেয়ের সাক্ষাৎে। বলেছেন, জানতাম ও পারবে। ও কাজ জানে। অনেক দূর যাবে।

প্রচারে বাদ

জিও ইন্সটারের আগামী সিরিজ মিস্ট্রি-র প্রচার থেকে প্রধান অভিনেতা রাম কাপুরকে বাদ দিয়েছেন নিমিতারা ও জিও। এর আগে প্রচারে গিয়ে ক্লান্ত রাম বলেছিলেন, নিজেকে গণধর্ষিত মনে হচ্ছে। এছাড়াও তাঁর নানা যৌনগন্ধী মন্তব্যে অসন্তোষিত পড়েন তাঁরা। রাম অবশ্য এই নিয়ে কোনও মন্তব্য করেননি।

নতুন ধারাবাহিক

স্টার জলসায় ৭ জুলাই শুরু হবে ধারাবাহিক রাজরাজেশ্বরী রানি ভবানী। নামভূমিকায় রাজন্দ্রিন্দী পাল। এতে ভবানীর জীবন, তারাপীঠ সংস্কার, মন্দির নির্মাণ, বর্গীদের হাত থেকে বাংলাকে রক্ষা—ইত্যাদি দেখা যাবে। সাড়ে আটটার ঘন্টায় এটি আসবে, ফলে উষ্মী রায়ের গৃহপ্রবেশ-এর প্রদর্শনের সময় বদলে কি হবে, জানা যায়নি।


মাথার অর্ধেক টাক, রণদীপের নতুন লুক



রণদীপ হুড়া সোশ্যাল মিডিয়ায় তাঁর নতুন ‘লুক’ শেয়ার করেছেন। ছবিটা ধূসর। তাঁর চোখে চওড়া ফ্রেমের চশমা, মাথার অর্ধেক টাক। এর সঙ্গে তিনি ক্যাপশন করেছেন, চা আজ সকালের পানীয়, কফি এখানে চলে না। স্বাভাবিকভাবেই নেটমহলে কৌতূহলী তাঁর ছবি দেখে। সূত্রের খবর, এটি রণদীপের আগামী ছবিতে তাঁর চরিত্রের লুক। তিনি সব সময়ই দর্শককে তাঁর অভিনীত চরিত্র, তাঁর অভিনয়, তাঁর লুক দিয়ে বিস্মিত ও মুগ্ধ করেছেন, এটাও তেমনই কিছু হতে চলেছে। তাঁকে শেষ দেখা গিয়েছিল সানি দেওলের বিপরীতে, জাট ছবিতে। তিনি ছিলেন ভিলেন। তাঁর আগামী ছবি ম্যাচবক্স। এই আমেরিকান অ্যাকশন অ্যাডভেঞ্চার কমেডির পরিচালক স্যাম হারগ্রোভ।

রাষ্ট্রপতির সঙ্গে আমির

অলিম্পিক চ্যাম্পিয়নদের জন্য বিশেষ প্রদর্শনী হল ‘সিতারে জমিন পর’-এর। এর জন্য মঙ্গলবার আমির খান দিল্লিতে গিয়েছেন এবং সেখানে রাষ্ট্রপতি ভবনে রাষ্ট্রপতি দ্রৌপদী মুর্মুর সঙ্গে সাক্ষাৎ করেন। মঙ্গলবার ভারতের রাষ্ট্রপতির অফিসিয়াল এক্স হ্যান্ডলে রাষ্ট্রপতি মুর্মুর সঙ্গে আমির খানের ছবি শেয়ার করা হয়েছে। ক্যাপশন করা হয়েছে, ‘বিশিষ্ট অভিনেতা আমির খান রাষ্ট্রপতি দ্রৌপদী মুর্মুর সঙ্গে দেখা করেছেন রাষ্ট্রপতি ভবনে।’ এই ছবি ২০ জুন মুক্তি পেয়েছে। ছবিতে ১০ জন বিশেষ মানুষকে দেখা গিয়েছে যারা মায়ুরোগে আক্রান্ত হয়েছিল। তারা সাধারণ মানুষের মতো নয়। তাদের নিয়েই বাস্কেটবল টিম তৈরি করেন কোচ আমির এবং জেতেন।



শাহরুখের মেয়েকে নিয়ে বিভোর কাজল

কভি খুশি কভি গম-এর সেট। আর সেই সেটে একেবারে সদ্যোজাত সৃজনা খানকে নিয়ে এসেছিলেন শাহরুখ। এ কথা কাজলের আজও বেশ মনে আছে। মাত্র এক ঘণ্টার জন্য মেয়েকে এনেছিলেন তিনি। ছোট্ট সুহানাকে দেখে কাজল একেবারে অবাক হয়ে গেছিলেন। মেয়েটা এত মিষ্টি, এত সুন্দর যে, কাজল আর চোখ ফেরাতে পারেননি।

সম্প্রতি একটা অনুষ্ঠানে সুহানার সঙ্গে দেখা হয়েছিল তাঁর। সুহানা একটা সোনাগি শাড়ি পরেছিলেন। সেখানে শাহরুখের মেয়েকে দেখেও কাজলের সেই ছোট্ট মেয়েটাকে মনে পড়ছিল। ‘মা’-এর প্রচারে বেরিয়ে শাহরুখের মেয়ের কথা বলতে বলতে নন্দীলাজিক হয়ে পড়েন কাজল। তাঁর মেহেন্দি অনুষ্ঠানে গৌরী খানকে নিয়ে এসেছিলেন শাহরুখ। আরিয়ান তখন ছোট্ট। সুহানা কোলো সে ছবিটাও কাজলের চোখে লেগে আছে। কে জানে, শাহরুখের ছেলেমেয়েকে দেখলে কাজলের মনে বোধহয় মাতৃহুই জেগে ওঠে। তাই ‘মা’ ছবির কাজে তাদের কথাই মনে পড়ছে বারবার।





ঋষভকে ওর মতো খেলতে দিন : রাহুল

লিডস, ২৪ জুন : ক্রিকেটার হিসেবে তিনি কতটা প্রতিভাবান, তিনি নিজেই জানেন না। দিন দুয়েক আগে লোকেশ রাহুলকে নিয়ে এমন মন্তব্য করেছিলেন সুনীল গাভাসকর। হেডিংলে টেস্টে রাহুল প্রমাণ করেছেন সানির মন্তব্য সঠিক। কখনও ওপেনার, কখনও বা মিডল অর্ডার-রাহুল যখন যেখানে সুযোগ পেয়েছেন, চেষ্টা করেছেন সেটাটা দেওয়ার। সাফল্যের পাশে ব্যর্থও হয়েছেন। জাতীয় দল থেকে বাদও পড়েছেন। কিন্তু তিনি, রাহুল কখনও হাল ছাড়েননি। যার সেরা প্রমাণ লিডস টেস্টের দ্বিতীয় ইনিংসে চাপের মুখে রাহুলের শতরান। তাঁর শতরানের পরও টিম ইন্ডিয়া হেডিংলে টেস্ট জিততে পারবে কি না, সন্দেহ বলতেই পারবে তার আগে



শতরান করে ফেরার পথে ব্যাটে চুমু ঋষভ পন্থের।

রাহুল আপাতত প্রশংসার বন্যায় ভাসছেন। গতকাল রাতে চতুর্থ দিনের খেলার শেষে সাংবাদিক সম্মেলনে হাজির হয়ে রাহুল বুঝিয়ে দিয়েছেন, তাঁর ক্রিকেটীয় ভাবনা ভিন্ন স্তরের। রাহুলের কথায়, 'যত দ্রুত একজন ক্রিকেটার হিসেবে আপনি বুঝতে শিখবেন যে, মাঠে সেটাটা দেওয়ার পরও সবসময় পরিস্থিতি নিয়ন্ত্রণে থাকে না, ততই মানসিকভাবে শক্তিশালী হবেন আপনি।' লোকেশ নিজেও এভাবেই তাঁর ক্রিকেট কেবিরায়ের ব্যাখ্যা দিয়েছেন। বলেছেন, 'মাথা সবসময় ঠান্ডা রাখার পাশে মানসিকভাবে শক্তিশালী হতে না পারলে আন্তর্জাতিক ক্রিকেটে লম্বা সময় খেলতে পারবেন না।

আপনি। অনেক আগেই এই বাস্তব বুঝে গিয়েছি। এখন একজন ক্রিকেটার হিসেবে দলের স্বার্থের কথা মাথায় রেখে সেই চেষ্টাই করে চলেছি।' বিরাট কোহলি, রোহিত শর্মাদের মতো সিনিয়রদের সঙ্গে দীর্ঘসময় রাহুল কাটিয়েছেন ভারতীয় সাজঘরে। কোহলিদের মতো সিনিয়রদের থেকে অনেক কিছু শিখেছেন তিনি। সেই শিক্ষা এখন কাজে লাগাচ্ছেন। গত ডিসেম্বর-জানুয়ারিতে টিম ইন্ডিয়ার অস্ট্রেলিয়া সফরে রোহিৎদের অনুপস্থিতিতে রাহুলকে ইনিংস ওপেন করতে হয়েছিল। সেই সময় থেকেই রাহুলের ক্রিকেটে পালাবদলের শুরু। চলতি বিলেত সফরে লোকেশ এখন বিশেষজ্ঞ ওপেনার। নতুন বল সামলানোর দায়িত্ব নিয়ে হেডিংলে টেস্টের দ্বিতীয় ইনিংসে শতরান করে রাহুল প্রমাণ করেছেন, তাঁর উপর ভরসা রাখা যেতেই পারে। ভারতীয় ওপেনারের কথায়, 'সিনিয়রদের থেকে অনেক কিছু শিখেছি আমি। সেই শিক্ষা এখন মাঠে কাজে লাগাচ্ছে। জানি সামনে অনেক কঠিন চ্যালেঞ্জ আসবে। আমি সেই চ্যালেঞ্জের মোকাবিলা করার জন্য তৈরি।' হেডিংলের মাঠে গতকাল টেস্ট কেবিরায়ের আট নম্বর শতরান করেছেন রাহুল। টেস্টে তাঁর আট শতরানের মধ্যে সাতটি দেশের বাইরে। অথচ তারপরেও তাঁর ব্যাটিং গড় ৩৩.৫৭। কেন? রাহুলের কাছে সরাসরি কোনও যুক্তি নেই আপাতত। তবে টিম ইন্ডিয়ার ওপেনার ঠিক করে ফেলেছেন আগামীদিনে তাঁর ব্যাটিং গড় আরও ভালো করতে হবে। নিজের ব্যাটিং গড়ের উন্নতির পরিকল্পনার পাশে ঋষভ পন্থের ব্যাটিং নিয়েও মজ্জা রয়েছে রাহুল। খুব কাছ থেকে দেখেছেন পন্থের শতরান। এহেন ঋষভকে নিয়ে আবেগে ভাসছেন রাহুলও। টিম ইন্ডিয়ার ওপেনার রাহুল তাঁর সতীর্থ ঋষভকে নিয়ে দুনিয়ার দরবারে একটি আবেদনও করেছেন। বলেছেন, 'ঋষভ বিশেষ প্রতিভা। ওকে ওর মতো খেলতে দিন।'



কঠিন পরিস্থিতিতে হাল না ছাড়া মনোভাবে নজর কাড়লেন ইংল্যান্ড অধিনায়ক বেন স্টোকস।

‘ড্র’ শব্দ পছন্দ নয় স্টোকসদের

লিডস, ২৪ জুন : নিয়ন্ত্রিত বাজবল। পরিস্থিতি অনুযায়ী নিজেদের প্রয়োগ। আগ্রাসী ব্যাটিংয়ের সঙ্গে যার দুরন্ত মিশেল ইংল্যান্ডের ব্যাটিংয়ে। কিন্তু চতুর্থ দিনে ঋষভ পন্থের বিরুদ্ধে বেন স্টোকসের রক্ষণাত্মক ফিল্ডিং বোলিং স্ট্র্যাটেজি অবাক করেছে নাসের হুসেনকে। অভিযোগ, ক্রিকে আসার পর ঋষভের ওপর চাপ তৈরি করা দরকার ছিল। যদিও সেই তাগিদে অভাব ছিল ইংল্যান্ডের পরিকল্পনায়।

পন্থকে ছাড়, অবাক নাসের

প্রাক্তন ইংল্যান্ড অধিনায়ক বলেছেন, 'ঋষভের ইনিংসের শুরুতে ইংল্যান্ডের পরিকল্পনা আমার ভালো লাগেনি। ফিল্ডারদের ফাঁকফোকর দিয়ে খুচরো রান নিয়েছে, স্ট্রাইক রোটেট করেছে। যা আটকানো দরকার ছিল। ৪-৫টা বল আটকে দিলে ও কিন্তু ছটমট করতে। ঝুঁকি নিতে গিয়ে ভুল করত। উলটে স্লিপ ফিল্ডারও সরিয়ে নেয়। লোকেশও, সারাক্ষণ একইভাবে ব্যাট করে গেল। তবে ঋষভের বিরুদ্ধে স্ট্র্যাটেজি অবাক করেছে।' প্রথম ইনিংসে ৪৭১ রান করে ভারত।

যশস্বী জয়সওয়াল, শুভমান গিলের পর ঋষভ পন্থের শতরান। কিন্তু তারপরও দমে যায়নি ইংল্যান্ড। পালাটা জবাবে ৪৬৫। ওলি পোপ, হ্যারি ব্রুকদের পুরো ইনিংস জুড়ে বাজবলের দাপট। মূলত যে কারণেই ফলাফলের দরজা কখনও বন্ধ হয়নি। দলের নবাগত পেসার জোশ টাস্কেসের কথায়, বাজবল অভিধানে ড্র বলে কোনও শন্দ নেই। জয়ের জন্য ঝাঁপতে হবে যে কোনও পরিস্থিতিতে, এটাই মন্ত্র রেড্ডন ম্যাককুলাম-বেন স্টোকসদের। চতুর্থ ইনিংসে ভারতের ছুড়ে দেওয়া ৩৭০ রানের চ্যালেঞ্জের মুখেও ইংল্যান্ডের ইতিবাচক ব্যাটিং। যার ইঙ্গিত চতুর্থ দিনে খেলা শেষে দিয়ে রাখেন পেসার জোশ টাস্ক। তাঁর দাবি, ড্র নিয়ে কোনও আলোচনাই নাকি সাজঘরে হয়নি। লক্ষ্য একটাই ৩৭১। চতুর্থ দিনের শেষে বাজটা সাজঘরে পরিষ্কারভাবে সবাইকে দেওয়া হয়েছে। মূল সূর, ইতিবাচক থেকে হেডিংলি টেস্টের 'ফাইনাল শোয়ে' লক্ষ্যপূরণে ঝাঁপাতে হবে। পঞ্চম তথা শেষ দিনে মেঘলা আকাশ, বৃষ্টি, ঠান্ডা হাওয়ায় প্রতিকূল পরিস্থিতিতে বেন ডাকেট, জ্যাক ক্রলিদের ব্যাটিংয়ে সেই ইতিবাচক মানসিকতার প্রতিফলনই মিলল।

ফেডারেশন মহাসচিব পদে নতুনের সম্ভাবনা

সুমিত্রা গঙ্গোপাধ্যায়

কলকাতা, ২৪ জুন : সভাপতির পাশাপাশি অল ইন্ডিয়া ফুটবল ফেডারেশনের নতুন মহাসচিব পদ নিয়েও এখন জোর জল্পনা। সাজি প্রভাকরণ নাকি চিরাগ তাল্লা অথবা অন্য কেউ? যা পরিস্থিতি তাতে প্রফুল প্যাটেলের নিজের সভাপতি হওয়ার খুব একটা আগ্রহ নেই। যদিও নতুন স্পোর্টস কোড অনুযায়ী তাঁর আর দাঁড়াতে কোনও অসুবিধা হওয়ার কথা নয়। কিন্তু তিনি হয়তো ফেডারেশন সভাপতি হওয়ার বামেলাটা আর নিতে চাইবেন না। তবে ক্রীড়ামন্ত্রক ও স্বরাষ্ট্র দপ্তরের

দৌড়ে সাজি ও চিরাগ

সঙ্গে নিয়মিত যোগাযোগ রেখে চলছেন তিনিই। ফলে প্রফুলের অপছন্দের কেউ আসার সম্ভাবনা তেমন নেই। বিজেপির জাতীয় সম্পাদক ও মুখপাত্র তো বটেই আরএসএসের জাতীয় পথারের নেতা অরবিন্দ মেননের সঙ্গে তাঁর সম্পর্ক ভালো। ফলে তিনিই আপাতত সভাপতি হওয়ার দৌড়ে এগিয়ে। তবে ক্ষমতার সচিব নিমিত্তভাবেই প্রফুলের হাতেই থাকার সম্ভাবনা। তাঁর নিজের লক্ষ্য শুধুমাত্র ফিফার কার্যনির্বাহী সমিতিতে ঢোকা। তিনি সেটাই চেয়ে রেখেছেন অমিত শা'র কাছে। এবারের সভাপতি

নিয়োগে কিং মেকার হতে পারে বেশ কয়েকটি রাজ্যের প্রতিনিধিরা। যার মধ্যে আছে বাংলাও। কিন্তু সভাপতি নয়, আসল কাজ করবেন ফেডারেশনের মহাসচিব। এই অরবিন্দের সঙ্গে সম্পর্ক ভালো সাজির। দুজনই কেরলের মানুষ। কিন্তু সমস্যা হল, কল্যাণ টৌবের সময় থেকেই সাজি ফুটবলকর্তাদের অপছন্দের তালিকায় চলে গিয়েছেন। তাছাড়া তাঁকে পছন্দ করেন না প্রফুল প্যাটেল নিজেই। তাই অরবিন্দ চাইলেও সাজির পক্ষে ফেরা মুশকিল। চিরাগ বহুদিন ধরে স্বপ্ন দেখেন ফেডারেশনের মহাসচিব পদে সম্পর্ক। তাঁর সঙ্গে রিলায়েন্সগোষ্ঠীর সম্পর্ক ভালো। তাকে ওই পদে বসানোর জন্য এমনকি এফএসডিএলের বিভিন্ন কাজ থেকেও তাকে প্রায় মাস দুটোকে হাল অব্যাহতি দেওয়া হয়েছে। কিন্তু তার পরেও তাকে আদৌ মহাসচিব পদে ফেরানো সম্ভব হবে কি না, তা নিয়ে সন্দেহ রয়েছে সর্ব মহলেই। যা খবর, তাতে একেবারে নতুন করে আবেদন করতে বলা হতে পারে। তাঁদের প্রজেক্টেশন এবং কাজের অভিজ্ঞতা দেখার পরেই হয়তো নিয়োগ করা হবে নতুন মহাসচিব। কারণ এখন আর এই পদটি সামান্যিক এগিয়ে। তবে ক্ষমতার সচিব নিমিত্তভাবেই সভাপতি বা শীর্ষকর্তাদের পন্থদের হবেন একথা বলাই যায়। যেখানে এমনকি নিজের সময়ের কোনও পুরোনো মুখকেও দেখা যেতে পারে মহাসচিব পদে।

দোশির প্রয়াণে চমকে যান সৌরভ

নিজস্ব প্রতিনিধি, কলকাতা, ২৪ জুন : তাঁর সঙ্গে পরিচয় ছিল দীর্ঘদিনের। যখনই ইংল্যান্ড যেতেন, দেখা হত দিলীপ দোশির সঙ্গে। ৭৭ বছর বয়সে গতকাল রাতে আচমকাই দিলীপের প্রয়াণের খবর পেয়ে মমহিঁতে প্রাক্তন ভারত অধিনায়ক সৌরভ গঙ্গোপাধ্যায়। আজ বিকেলে সিএবিতে হাজির হয়ে মহারাজ বলেছেন, 'খুবই খারাপ খবর। গতরাতে ওঁর মৃত্যুর খবর পেয়ে চমকে গিয়েছিলাম। ভাবিনি এত তাড়াতাড়ি উনি চলে যাবেন। ওঁর পরিবারের প্রতি রইল সমবেদনা।'



দিলীপ দোশির ক্রিকেট প্রতিভা নিয়ে বরাবরই শ্রদ্ধাশীল ছিলেন রবি শাস্ত্রী।

শোকপ্রকাশ শটীন, শাস্ত্রীদের

লন্ডন ও মুম্বই, ২৪ জুন : না ফেরার দেশে দিলীপ দোশি। প্রাক্তন ক্রিকেটারের মৃত্যুতে শোকস্তম্ভ ক্রিকেট বিশ্ব। বয়সীয় ভারতীয় ক্রিকেটারের মৃত্যুতে শোকপ্রকাশ করেছে ভারতীয় ক্রিকেট কন্ট্রোল বোর্ড। তাঁর স্মৃতিচারণ করেছেন মাস্টার রাস্টার শটীন তেজস্কার। সমাজমাধ্যমে তিনি লেখেন, 'দিলীপ ভাইয়ের সঙ্গে আমার প্রথম সাক্ষাৎ ১৯৯০ সালে যুক্তরাষ্ট্রে। ওই সফরে এক ঘটনারও বেশি নেটে আমাকে বল করেছিলেন। আমার অনুরাগীও ছিলেন। ওঁর অনুভূতিকে আমিও সম্মান জানাই। তবে দিলীপ ভাইয়ের মতো একজন ভালো

মানুষকে মিস করব। মিস করব ওঁর সঙ্গে ক্রিকেট নিয়ে আলোচনা।' শোকপ্রকাশ করে অনিল কৃষ্ণলে লিখেছেন, 'দিলীপ ভাইয়ের মৃত্যুর খবর সত্যিই হৃদয়বিদারক। ঈশ্বর ওঁর পরিবার-পরিজনকে শক্তি দিক।' প্রাক্তন ভারতীয় ক্রিকেটার রবি শাস্ত্রী লেখেন, 'দিলীপ দোশির মৃত্যুর খবরে সত্যিই দুঃখিত। একজন দক্ষ বোলার, সর্বোপরি একজন সাক্ষাৎ ১৯৯০ সালে যুক্তরাষ্ট্রে। ওই সফরে এক ঘটনারও বেশি নেটে আমাকে বল করেছিলেন। আমার অনুরাগীও ছিলেন। ওঁর অনুভূতিকে আমিও সম্মান জানাই। তবে দিলীপ ভাইয়ের মতো একজন ভালো

৫

তরুণ ভারতীয় দলে সিনিয়র সদস্য লোকেশ। দলের অভিভাবকের মতো। বিশেষত ব্যাটিংয়ে। ভারতীয় ব্যাটিংয়ের কেন্দ্রীয় চরিত্র। যথাযথ টেস্ট টেকনিক রয়েছে লোকেশের। আমি আগ্রাসী ব্যাটার পছন্দ করি। তবে লোকেশের মতো ব্যাটার দরকার যে কোনও দলের। -মাইকেল ভন

থাক। শুভমানদের দরকার ছিল বেন স্টোকসের মতো একজনকে। তাহলে ভারতীয় দলের ভারসাম্য অনেক বেড়ে যেত। বিদেশের মাটিতে পেস সহায়ক পরিস্থিতিতে যা অত্যন্ত গুরুত্বপূর্ণ। ভারতীয় দলকে নিয়ে পর্যালোচনা পূজারা বলেছেন, 'ভারতের দরকার স্টোকসের মতো একজনকে। যে ব্যাট, বল, ফিল্ডিং- সব বিভাগেই চৌখশ। রবীন্দ্র জাদেজা রয়েছে ভারতীয় দলে। কিন্তু ভারতীয় পরিবেশে জাদেজা যথেষ্ট কার্যকর। তিন বিভাগেই অভাব রাখতে সমর্থ। কিন্তু বিদেশের মাটিতে তা নয়। দরকার স্টোকসের মতো একজন পেস অলরাউন্ডারকে।' সুনীল গাভাসকারের পরামর্শ,



জন্মদিনের আগের রাতে ইন্টার মায়াসিকে জেতাতে না পেরে হতাশা লিপ্তেলে মেনি।

ড্র করেও মেন্সিরা শেষ ষোলোয়

ফ্লোরিডা, ২৪ জুন : ফিফা ক্লাব বিশ্বকাপের শেষ ষোলোয় ইন্টার মায়ামির জয়গা নিশ্চিত হল। ভবুও জন্মদিনের আগের রাতটা কিকে হয়ে গেল লিপ্তেলে মেন্সির জন্য। আটকে গেল ইন্টার মায়ামি। পালমেইরাসের বিরুদ্ধে ২-২ গোলে ড্র। গ্রুপ পর্ব শেষে দুই দলের বুলিতেই ৫ পয়েন্টে ২-০ করেন লুইস সুয়ারেজ। পিছিয়ে পড়া পালমেইরাস অল আউট আক্রমণে ঝাঁপানায় কিছুটা গুটিয়ে যায় মায়ামি। তারই

নকআউটে পিএসজি, বোটাফোগো

ফায়দা তোলে ব্রাজিলের ক্লাবটি। ৮০ ও ৮৭ মিনিটে পরপর দুই গোল করে ম্যাচ ড্র করে তারা। গ্রুপের অন্য ম্যাচে রুদ্রুদ্রাস লড়াই হল আল আহলি ও পোতের ম্যাচে। যদিও ৮ গোলের রোমাঞ্চকর ম্যাচ ড্র হল ৪-৪ ফলে। অন্যদিকে, সিয়াটেল সাউন্ডার্সকে ২-০ গোলে হারিয়ে 'বি' গ্রুপের শীর্ষে থেকেই শেষ বোলার ছাড়পত্র অদায় করল প্যারিস সঁ জাঁ। ম্যাচের দুই অর্ধেই আদায় চ্যাম্পিয়নদের হয়ে

সিয়াটেল সাউন্ডার্স ০-২ প্যারিস সঁ জাঁ
আটলেটিকো মাদ্রিদ ১-০ বোটাফোগো
ইন্টার মায়ামি ২-২ পালমেইরাস
পোর্তো ৪-৪ আল আহলি

গোল দুইটি করেন কভিচা কাভারাৎস্কেইয়া (৩৫) ও আচরাফ হাকিমি (৬৬)। অন্যদিকে, বোটাফোগোর বিরুদ্ধে ১-০ গোলে জিতেও গ্রুপ পর্ব থেকেই বিদায় নিল আটলেটিকো মাদ্রিদ। ৮৭ মিনিটে জয়সূচক গোলটি আর্তোয়া গ্রিজম্যানের করা। তিন ম্যাচ শেষে বোটাফোগো, আটলেটিকো দুই ক্লাবের বুলিতেই ৬ পয়েন্ট। তবে গোলপার্শ্বকো এগিয়ে থাকায় 'বি' গ্রুপের দ্বিতীয় দল হিসাবে নক আউট নিশ্চিত করেছে ব্রাজিলিয়ান ক্লাবটি।

কাউন্টি ক্রিকেটে শতরান তিলকের

লন্ডন, ২৪ জুন : প্রথম সুযোগেই বাজিমাতে। বিলেতের মাটিতে প্রথমবার কাউন্টি ক্রিকেট খেলতে নেমেই শতরান করলেন তিলক শর্মা। হাস্যপাশায়ের হয়ে অভিষেক ম্যাচে এসেক্সের বিরুদ্ধে শতরান করেছেন তিলক। চার নম্বরে ব্যাট করতে নেমে গতকাল ৯৮ রানে অপরাজিত ছিলেন তিলক। আজ হাস্যপাশায়ের বনাম এসেক্সের ম্যাচের তিন নম্বর দিনে চার নম্বরে ব্যাটিং করতে নেমে সেঞ্চুরি করে নজর কেড়েছেন তিলক। ১০০ রানের পর সিমন হামারের বলে ডিন এলগারের হাতে ক্যাচ দিয়ে সাজঘরে ফেরেন তিলক। ২৪১ বলের ইনিংসে ১১টি চার ও তিনটি ছক্কা মেরেছেন তিলক।

মোনাকোতে যোগ দিচ্ছেন পোগবা

প্যারিস, ২৪ জুন : অবশেষে ফুটবলে ফিরছেন ফরাসি তারকা পল পোগবা। শোনা যাচ্ছে, ফরাসি ক্লাব মোনাকোতে যোগ দিতে পারেন এই বিশ্বজয়ী তারকা। এর আগে সৌদি শ্রো লিগের একটি দলের সঙ্গে পোগবার কথাবাতা হলেও শেষপর্যন্ত চুক্তি হয়নি। গত বছরের ফেব্রুয়ারি মাসে ডোপিংয়ের দায়ে ফরাসি তারকাকে চার বছরের জন্য ফুটবল থেকে নিষিদ্ধ করা হয়। তবে গত অক্টোবর মাসে সেই সাজার মোয়াদ কমিয়ে ১৮ মাস করা হয়েছিল। চলতি বছরের মার্চ মাসে পোগবার ওপর থেকে নিষেধাজ্ঞা উঠেছে। তারপর থেকেই ফুটবলে ফিরতে মরিয়া ছিলেন ফরাসি তারকা।

গায়ানায় পুষ্পার্ঘ্য

নিজস্ব প্রতিনিধি, কলকাতা, ২৪ জুন : আইএফএ-এর সিইও পুষ্পার্ঘ্য চট্টোপাধ্যায় এবার নতুন ভূমিকায়। সম্প্রতি তিনি গায়ানা ফুটবল ফেডারেশনের সচিব পদে নিযুক্ত হয়েছেন। ১ অগাস্ট থেকে পুষ্পার্ঘ্য দায়িত্ব নেন। নতুন দায়িত্বে পাওয়ার পর আইএফএ-এর সিইও পদ থেকে ইস্তফা দিয়েছেন। আপাতত নোটিশ পিরিয়ডে রয়েছেন তিনি।

